



20. oktober 2012

Inatsisartut suleriaasianni § 37, immikkoortoq 1 naapertorlugu matumuuna imaattumik

Naalakkersuisunut apeqquteqarpugut:

Apeqqut Naalakkersuisunut :

- 1. Naalakkersuisut imatut isiginerlugu taakku biilit innaallagissamoortut tuniniarneqartuusullu nunatsinnut naleqquttuunersut?**
- 2. Naalakkersuisut imaluunniit Nukissiorfiit isumaliutigisimanerlugu innaallagissamut immiivissamik / “qalaassivissanik” akiliisarfiusunik pilersitsisoqarnissaanik?**
- 3. Naalakkersuisut suut periarfissatut isigivaat massakut biilit ingerlasuusut pinngortitamut nunatsinni mingutsitsinerulinnginnissaanut aqqutissiinissamut?**
- 4. Ilumoorpa biilit tamarmik – imaluunniit tamaasavimmik biilit kalaallit nunatsinni ingerlasut atortorissaarusersorneqarsimasut katalysator-inik, atuuffeqartuusut annikillisisumik ulorianaatilinnik mingutsitsinerunissaraluamut?**
- 5. Ilumoorpa biilit pisoqaanerit nalinginnaasumik annertunerusumik mingutsitsisartut biilit nutaanerusunut sanilliullugu.**
- 6. Matumani attuumassuteqarpa maannamut taakku biilit innaallagissamoortut akitsuusesersimanninnginnerat – piviusorsioortua taamatut akitsuuseeqqannginneq mingutsitsinerunissaraluamut sunniuteqartoq nunatsinni ?**
- 7. Naalakkersuisut imatut nalilerpaat taamatut biilnik nutaanik akitsuutikillisisinermut pineqarlutik biilit assersuutigalugu liter-imut km. 20-it sinnerlugit illoqarfimmi ingerlaarsinnaasut – taakkunatigut co2-mik ulorianaatilinnillu akuutissanik aniatitsinermut annikillisaanissamut sunniuteqarnerusinnaasut, sanilliullugu biilit innaallagissamoortuniik akitsusiiffeqannginnissamut?**
- 8. Naalakkersuisut sunik allanik periarfissanik co2-mik annikillisaanissamut taamatullu ulorianaatilinnik akuutissalinnik saqqummiussassaateqarpat nunatsinni?**

(Inatsisartutmedlemmerne Knud Kristiansen og Siverth K. Heilmann, ATASSUT)

Tunngavilersuut :

Inatsisartunit akuersissutigineqarpoq ukioq 2009-mi aaliangiiffigisassatut siunnersuut atuutilersinneqarpoq (UKA2009/23), tassuunakkut Naalakkersuisut biilit innaallagissamoortut nunatsinnut eqquassinermi akitsuusinnginnissaanut pisussaaffiliisut

UPA 2010-mi Naalakkersuisut saqqumiipput pineqartumut siunnersuunmmik Inatsisartut inatsisissaannik, pineqarluni biilit innaallagissamoortut eqqunneqarnermini akitsuuserneqartassanngitsut taamatullu motor-imut aamma akitsuuserneqassanngitsut 1. Januar ukioq 2014 tikillugu (UPA 2010/84)..

Siunnersuut akuersissutigineqarpoq, atuutilerlunilu ulloq 1. Juni 2010.

Massakkut ukiut marluk sinnerulluarput misiliummik piffissaliinerup naanissaanut, taamaammallu maannamut misilittagaasimasut tusagaqarfigerusunnarput sukumiinerusumik.

Aningaasaqarnermut ataatsimiititaliap aamma taamatut isummerpoq, tassami ataatsimiititaliap pineqartup apeqquteqaatiginikummagu pineqartumik suliaqarnerup nalaani aningaasanik inatsisissamut ukioq 2013-imut.

Akissuteqaammi ersippoq Naalakkersuisuniit taamaallaat Kalaallit Nunaanni innaallagissamoortut 7 piusut, taamaattorli kisitsit eqqoqqissaartoq pigineqarani, pissutaarpiarluni akitsuusiisoqarneq ajormat motor-millu aamma akitsuuserneqassanatik.

Aningaasaqarnermut ataatsimiititaliap aamma apeqquteqaatiginikuuaa Naalakkersuisut isumaliutersuuteqarsimanersut suli akitsuutinik allanngueqqinnissamut siunertarineqarluni iluaqusersuutaanerusumik innuttaasunut biilnik pinngortitamut innarliinnginnerusunik pisinissamut.

Naalakkersuisut akissuteqaateqarput isumaliutersuuteqaratik motor-inut tunngatillugu akitsuutinik allanngueqqinnissamut innaallagissamoortut biilit eqqarsaatigalugit, massakkut akitsuusiinnginnissamut ingerlatsineq atuuffeqarpoq 1. Januar 2014 tikillugu. Naalakkersuisut akissuteqaataani ersitsitsoqanngilaq allanik akitsuutitigut allannguisoqarnissaanik.

Naalakkersuisut aningaasaqarnermut ataatsimiititaliamut akissuteqaataani maannakkumut innaallagissamoortut biilinit misiliummi piffissarititaasup iluani misilittagaannik paasissutissanik pineqartunik pissarserusuttunut aasassaqaarpiaavinngilaq.

Tamatumani soqutiginaateqanngitsuunngilaq maluginiassallugu innaallagissamoortut biilit ikittuaraammata massa/uffa akitsuuserneqanngikkaluartut. Tamannartaa tunngavigalugu isumaliulersitsinngitsuunngilaq suna taamaattoqarneranut pissutaasinnaanersoq.

Akilerartarnermut akitsuusiisarnermullu ataatsimiititaliap isumaliutersuutaani UKA 2009/23 tikkuarneqarpoq ataatsimiititaliamiit silaannaap pissusaa nunatsinni aaliangiisuusumik unammillernartuutitsisoq, tassami issittupilorujussuusarnera killiliisuusinnaalluarsinnaanera eqqarsaatersuummiilluarmat innaallagissamoortunik biilinit atuisinnaanerunissamat.

Taamani UPA 2010/84-ip siullermeerutaasumik sammineqarnerani tikkuarneqarpoq pisariaqartitsilertoqarsinnaasoq innaallagissamat immiivissanik nappaalluni sanasoqarluni.

Soqutiginaateqarsinnaavoq ilisimassallugu maannakkumut misilittakkat qanoq takutitsinersut pineqartut pillugit.

Maannakkumut akitsuusiinnginnermut sunniutaa annikitsuummat taamaasilluni pissutissaqartitsivoq aallartisaanissamat biilit allat pinngortitamut innarliinikinnerusunik sanaat aamma periarfissiuutissallugit.

Naalakkersuisuniit apeqqut pineqartoq aamma akineqanngilaq aningaasaqarnermut ataatsimiititaliamut apuunnikuusami.

Akilerarutinut aammalu akitsuutinut ataatsimiititaliamiit isumaliutersuummi UPA2010/84 ataatsimiititaliamiit kajumissaatigineqarpoq Naalakkersuisunut massakut akitsuuseeriaaseq naammaginassulimmik pilerisaariffeqarnerasoq pinngortitamut naapertuuffeqarnerusunik biilinit atuinissamat. Tikkuarneqarput tikkuaasumiit pineqartuni taaneqarlutik biilerpassuit anginerusunik oqimaassusillit eqqussorneqartut maanga.

UPA 2010/84-ip siullermeerlugu suliarineqarnerani tikkuartorneqarpoq taamatut innaallagissamoortunik biilinit akitsuusiinnginneq tapitartuutilersinneqarsinnaasoq akitsuutinik appaanissamat biilinit 20 km/l minnerpaamik ingerlasinnaasunut illoqarfinni.

Soqutiginnassaaq paasissallugu Naalakkersuisut apeqquumi pineqartumi qanoq inissisimanersut, taavalu Naalakkersuisuniit suut periarfissat isiginiarneqarnersut co2-mik aniatitsinerup apparsarnissaani aammalu biiliniit akuutissat ulorianaateqartut aniatinneqartut pillugit aamma.